

10,000 PENGUNJUNG BANJIRI KARNIVAL HARI WILAYAH PERSEKUTUAN @KUALA LUMPUR 2018

KUALA LUMPUR, 10 Februari 2018 – Kira-kira 10,000 penunjang warga kota Kuala Lumpur dan pelancong asing membanjiri Karnival Hari Wilayah Persekutuan @ Kuala Lumpur anjuran Dewan Bandaraya Kuala Lumpur (DBKL). YB Datuk Seri Utama Tengku Adnan bin Tengku Mansor, Menteri Wilayah Persekutuan turut hadir di karnival tersebut bersama-sama warga Kuala Lumpur yang diadakan di Dataran Merdeka.

Pelbagai aktiviti seperti acara sukaneka dan rekreasi, pertandingan sukan *Xtreme*, sukan tradisional, pertandingan Muay Thai, pertandingan memasak dan gubahan Persembahan KL Street Artist (*Buskers/Pelukis/Clown/Magicians/Kraftangan*), *Inflatable Games* untuk kanak-kanak serta penjualan makanan dari *food truck* serta Persembahan Konsert Hari Wilayah diadakan sepanjang hari bermula dari jam 7.00 pagi. Karnival yang diadakan di bawah pengisian program Hari Wilayah Persekutuan ini bertujuan untuk mengukuhkan lagi perpaduan, persefahaman serta mengeratkan silaturrahim antara seluruh warga Kuala Lumpur tanpa mengira bangsa dan lapisan masyarakat.

Lokasi Penganjuran Karnival Hari Wilayah Persekutuan @Kuala Lumpur 2018 di Dataran Merdeka dan di Jalan Raja juga sebagai salah satu usaha bagi mempromosikan Kolam Biru *River Of Life* Fasa I yang telah dirasmikan oleh YAB Perdana Menteri Malaysia pada 28 Ogos 2017 yang lalu.

Penganjuran Karnival Hari Wilayah Persekutuan @ Kuala Lumpur 2018 ini mendapat sokongan dan kerjasama Kelab Rekreasi dan Sukan Bukit Bintang, Kelab Belia Prihatin Medan Tuanku, Pertubuhan Ibu Tunggal D'Sayang Wangsa Maju, Yayasan Artis 1Malaysia, Persatuan Belia Progresif, Kelab Sukan Tradisional Harmoni, Kelab Sukan DBKL, *Batu Road Retailers Association* (Barra Foodtruck) dan Majlis Paralimpik Malaysia.

Diharapkan melalui penganjuran program seperti ini dapat memberi impak yang besar serta penglibatan rakyat secara terus serta memberi peluang kepada mereka berjumpa para pemimpin secara bersemuka dengan lebih akrab. Inisiatif yang dilaksanakan oleh KWP adalah dengan memastikan rakyat sentiasa merasai *feel good factor* serta merapatkan hubungan antara pemimpin dan rakyat serta sentiasa mendekati rakyat untuk membantu menyelesaikan permasalahan yang dihadapi.

Disediakan oleh: